



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. III. Eadem opera Galeno in libri alterius inscriptione commodata.

urn:nbn:de:hbz:466:1-13245

la, quoque in morbo affecta sit. Ergo non Ηερι πεπονθό-
των λόπων, sed ἀερι διαγνώσεως, vel διαγνωσικῆς μεθόδου
λῶν πεπονθέτων λόπων inscribi ii libri debuerunt. Hincque
etiam non immerito aliquis suspicetur, mutilatum eadem
ratione Philoponi locum illum, quo Galenum citat, ac sic le-
gendum; εὐ τῷ διαγνωσικῇ μεθόδῳ λῶν πεπονθέτων τόπων.
Nisi potius dicendum est, hunc non nisi priora tituli verba
brevitatis causa posuisse, quod satis ex hoc initio, opus
istud Galeni singulare designatum putaret.

C A P U T III.

*Eadem opera Galeno in libri alterius inscriptione
commodata.*

Suspicor & titulum libri Galenici, Οὐρανὸν τὸν
ψυχῆς ἡγεμόνην ἐπετεινόντην σωματικὸν κέρας. Quod animi
mores sequantur temperamentum corporis: non
esse integrum. Quis credat Galenum virum
spectatæ probitatis & prudentiæ, & quod ca-
put est, in libris philosophorum, atque in primis Platonis non
perfunctorie versatum, id sibi argumenti usquam propo-
suisse ad scribendum, quo maximum universæ moralis di-
sciplinæ principium, liberum scilicet arbitrium, unaque
philosophiam funditus iret eversum. Nam si mores animi
simpliciter & citra exceptionem nativam corporis indiq-
uem ac temperamentum sequuntur, non video quid pro-
fint præcepta sapientiæ, & leges quæ corporis naturam mu-
tare non possunt. Frustra Socrates ad amicos Zopyrum
irridentes physiognomonem, quod se hebeti ingenio, &
libidinosum pronunciasset, emendatam sibi philosophiæ
Studio naturam dixisset. Frustra Cicero in lib. de Fato, de
altero philosopho scriberet: Stilponem Megaricum philoso-
phum,

phum, acutum sane hominem & probatum temporibus illis accepimus. Hunc scribunt ipsius familiares & ebriosum & mulierosum fuisse: neque hoc scribunt vituperantes, sed potius ad laudem: vitiosam enim naturam abeo sic edomitam & comprefsam esse doctrina, ut nemo unquam vinolentum illum, nemo in eo libidinis vestigium viderit.

Præterea uniuscujusque non voluntas & propositum, sed natura esset laudanda, nemo autem puniendus esset, quippe naturali corporis habitu omnes in bonum vel in malum trahente. Denique ad mores hominum formandos non philosophus, legislator, censor, aut quivis alias vitæ magister, sed medicus tantum adhibendus esset: qui idoneo victu atque etiam medicamentis, quodcumque esset immoderatum in corpore, ad justum temperamenti modum & normam revocaret. Quæ omnia cum absurdissima sint, ex illo autem effato ita simpliciter prolati sequantur, non est putandum, quicquam ejusmodi Galeno prudenti & acuto viro in mentem venisse; aut sic, ut est in vulgatis editionibus, titulum ejus libri posuisse; Sed aliquid habuisse insuper quod temporis injuria pridem sit abolitum.

Sane Philoponus in commentario ad librum primum de *Anima*, hoc ipsum Medicorum effatum negat ab iis absolute ita proponi, sed cum exceptione: Καὶ τότε καὶ ἀνέστι Φασιν οἱ φιλός, εἰπόντες γὰρ ἔπειδαι ταῖς ηγάσεσι οὐ σώματος τὰς τῆς ψυχῆς δύναμεις, προστεθείασι, χωρὶς τῶν καὶ φιλοσοφίαν διατείνων. οὐτε εἰ δύνανται αἱ καὶ φιλοσοφίαν διατείναι μὴ ἔπειδαι ποιεῖν τὴν ὁρμὴν τῆς ψυχῆς ταῖς ηγάσεσι οὐ σώματος, εἴ τι ἀρά καὶ ἐφ' ἡμῖν, καὶ οὐκ δέ, οὐδέγουντος επονται. Idque ipsi quoque Medici ajunt: cum enim dicunt animæ facultates corporis temperamenta insequi, addunt: si seorsim absque ulla philosophica exercitatione spectentur, quamobrem si hujusmodi studia atque exercitationes ex philosophia præscripto susceptæ id præstare possunt, ut animæ appetitus corporis temperamenti non obsequantur, certe est aliquid in nostra potestate,

neque necessario sequuntur. Ex his: nisi fallor ejus libelli titulum fuisse, ὅτι τὰς φυχῆς ἡθη ἔσται τῇ τῷ σώματι κράτει, χωρὶς τῶν καὶ ἀφιλοσοφίαν διατρέψειν.

Quod autem ea mens Galeni fuerit, præter allata argumenta, insuper ex Platonis verbis, quæ sunt in Timæo, ibidem ab ipsomet Galeno citatis, intelligi potest: Ταύτη καὶ ποὺς πάντες οἱ κακοὶ, διὰ δύο ἀκουσιώτατας γιγνόμεθα, ὃν ἀκουσιάτεον μὲν τὰς φυτεύοντας σεῖς τῶν φυλευομένων μᾶλλον, καὶ τὰς τρέφοντας τῶν τρεφομένων. i. Hoc modo omnes, quicunque improbi, ob duo maxime involuntaria, improbi efficiuntur, quorum semper accusandi magis, qui procreant, quam qui procreantur, qui item educant, iis qui educantur. subdit vero mox: Προθυμητέον μὲν ὅτη τις δύναται, καὶ διὰ τροφῆς, καὶ διὸπτηδευμάτων μαθημάτων, φυγεῖν μὲν κακοῖς, τὸν ναύλον δὲ ἑλεῖν. i. Conandum est pro viribus beneficio rectæ educationis, studiorumque & disciplinarum, malitiam effugere, contrarium sequi. Atque his locis Plato quidem non obscure indicat sibi videri, non adeo invictam esse ad mores inole scandos temperamenti corporis potestatem, quin recta educatione & præceptis sapientiæ omnino vincatur, vel certe in melius proficiat.

Quorsum igitur Galenus loca hæc Platonis in eo libello adducit, nisi ut significet sese cum Platone suo sentire, in eo quod ipse dicit animi mores sequi temperamentum corporis, animamque ipsam δεσπόζεις καὶ δουλέειν τῷ σώματι, nempe cum neque idoneam initio nacta est educationem, neque vim suam disciplinis & philosophiæ institutis confirmavit, quibus præsidiis destituta, quo corporis affectio inmellit, eo sequi cogitur. Tunc enim profecto, quod ait Galenus, sit, ut non aliter cupiditatum motibus trahatur, ac si prorsus corporis mancipium esset. Postremo ut dixi, nisi hoc modo rem componamus, non video, ut Galenus substare possit, quo minus tali proposito philosophiam funditus sustulisse hoc ipso convincatur. cum tamen longe

longe ab se abesse id propositum, minimeque id ex illa discep-
tatione effici ibidem expresse admoneat his verbis: Οὐκονν
σιναρετικὸς ὁ Δῆλόγος, Τὴν φιλοσοφίας παλῶν. i. Non
itaque hæc disputatio philosophia decora auffert. videant studiosi
& conferant librum ejusdem Galeni de dignotione ac cura-
tione priorum cuiusque in anima pravorum affectuum. Est
autem perquam verisimile, cum Galenus non nisi cum hac
exceptione animæ dominari corporis temperamentum
senserit, neque omisisse quin in ejus libri inscriptione ver-
ba hanc exceptionem indicantia poneret.

CAPUT IV.

*Locus Aristotelis a Philopono aliter lectus acceptus-
que, quam exstat in libris excusis.*

Videntur Philoponus aliter legisse locum quendam Aristotelis in secundo de Anima, atque exstat nostris libris; hunc quidem in textu 52. his verbis conceptum habemus: Εἰχει δὲ ἀπορίαν,
διὰ τί οὐ καὶ τῶν άἰσθησεων αὐτῶν γίνεται άἰσθησις,
καὶ διὰ τί άνευ τῶν ἔξω, οὐ ποιούσιν άἰσθησιν, οὐδέντοι πυρὸς καὶ
γῆς ή τῶν ἄλλων ζοιχέων, ὅντες οὐ ή άἰσθησις, καὶ δὲ αὐτὰ, η
τὰ συμβεβηκότα τούτοις. i. Habet autem dubitationem, quam-
obrem sensuum ipsorum non fiat sensus, & quare sine iis, quæ
sunt extra, non faciunt sensum, cum intus ignis existat, &
terra & aliis elementis quorum est sensus per se, aut secundum
eas quæ accidunt. Est autem juxta Simplicium duplex dubita-
tio: una quidem, cur non se sensus ipse percipiat in se re-
flexus, cum sit vitalis & cognoscens animæ potestas: al-
tera dubitatio: esto sensus non nisi corpora percipiat; cur
tamen exteriora tantum, neque absque iis, quæ sunt foris:
agit